

文档信息

宋書

062 / 100

36 段 5778 字

138 种 194 个标注

繁体中文

列傳第二十二 宋書 062 卷六十二

[標] 沈約

史部 / 正史 / 二十四史 / 宋書 / 062 卷六十二 列傳第二十二

本篇关键词

纪年

元嘉十九年[442] 1

元嘉三十年[426] 1

地点

州陵 3

懷道 1

尋省 1

人物

太祖 7

高祖 5

張敷 4

始興王 4

羊欣 3

王微 3

茂度 3

弟子 3

文官

長史 7

中郎 4

主簿 2

新安太守 2

武官

諮議參軍 4

記室參軍 3

撫軍 2

功曹 2

其他

世祖 3

薄葬 2

成服 2

←061 卷六十一 列傳第二十一

目錄

063 卷六十三 列傳第二十三→

0 卷六十二 列傳第二十二

1 羊欣^ㄅ 張敷^ㄅ 王微^ㄅ2 羊欣^ㄅ字敬元，泰山^ㄅ南城人也。曾祖^ㄅ忱，晉徐州刺史^ㄅ。祖權^ㄅ，黃門郎^ㄅ。父不疑，桂陽太守^ㄅ。

3 欣少靖默，無競於人，美言笑，善容止。汎覽經籍，尤長隸書^ㄅ。不疑初為烏程令，欣時年十二，時王獻之^ㄅ為吳興太守^ㄅ，甚知愛之。獻之嘗夏月入縣，欣著新絹裙晝寢，獻之書裙數幅而去。欣本工書，因此彌善。起家輔國參軍，府解還家。隆安中，朝廷漸亂，欣優游私門，不復進仕。會稽王^ㄅ世子元^ㄅ顯每使欣書，常辭不奉命，元顯怒，乃以為其後軍府舍人^ㄅ。此職本用寒人，欣意貌恬然，不以高卑見色，論者稱焉。欣嘗詣領軍將軍^ㄅ謝混，混拂席改服，然後見之。時混族子^ㄅ靈運^ㄅ在坐，退告族兄^ㄅ瞻曰：「望蔡見^ㄅ羊欣^ㄅ，遂易衣改席。」欣由此益知名。桓玄輔政，領平西將軍^ㄅ，以欣為平西參軍，仍轉主簿^ㄅ，參預機要。欣欲自疏，時漏密事，玄覺其此意，愈重之，以為楚臺殿中郎^ㄅ。謂曰：「尚書^ㄅ政事之本，殿中禮樂所出。卿昔處股肱，方此為輕也。」欣拜職少日，稱病自免，屏居里巷，十餘年不出。

4 義熙中，弟微被遇於高祖^ㄅ，高祖^ㄅ謂諮議參軍^ㄅ鄭鮮之^ㄅ曰：「羊微^ㄅ一時美器，世論猶在兄後，恨不識之。」即板欣補右將軍^ㄅ劉藩司馬，轉長史^ㄅ，中軍將軍^ㄅ道憐^ㄅ諮議參軍^ㄅ。出為新安太守^ㄅ。在郡四年，簡惠著稱。除臨川王^ㄅ義慶^ㄅ輔國長史^ㄅ，廬陵王^ㄅ義真^ㄅ車騎諮議參軍^ㄅ，並不就。太祖^ㄅ重之，以為新安太守^ㄅ，前後凡十三年，游玩山水，甚得適性。轉在義興，非其好也。頃之，又稱病篤自免歸。除中散大夫^ㄅ。

- 5 素好黃老，常手自書章，有病不服藥，飲符水而已。兼善醫術，撰藥方十卷。欣以不堪拜伏，辭不朝覲^北，高祖^宋、太祖^宋並恨不識之。自非尋省^地近親，不妄行詣，行必由城外，未嘗入六關。元嘉十九年^[442]，卒，時年七十三。子俊，早卒。
- 6 弟徽字敬猷^宋，世譽多欣。高祖^宋鎮京口^地，以為記室參軍^職掌事。八年，遷中書郎^文，直西省^職。後為太祖^宋西中郎^文長史^文、河東太守^文。子瞻，元嘉末為世祖^北南中郎^文長史^文、尋陽太守^文，卒官。
- 7 張敷^宋字景胤，吳郡^地人，吳興太守^文邵子也。生而母沒。年數歲，問母所在，家人告以死生之分，敷雖童蒙，便有思慕之色。年十許歲，求母遺物，而散施已盡，唯得一畫扇，乃緘錄之，每至感思，輒開筭流涕。見從母^宋，常悲感哽咽。
- 8 性整貴，風韻甚高，好讀玄書，兼屬文論。少有盛名。高祖^宋見而愛之，以為世子^北中軍^職參軍，數見接引。永初初，遷祕書郎^文。嘗在省直，中書令^文傅亮^宋貴宿權要，聞其好學，過候之，敷臥不即起，亮怪而去。
- 9 父邵為湘州^地，去官侍從。太祖^宋版為西中郎^文參軍。元嘉初，為員外散騎侍郎^文，祕書丞^文。江夏王^{義恭}鎮江^地陵，以為撫軍^職功曹^職，轉記室參軍^職。時^{義恭}就太祖^宋求一學義沙門，比沙門求見發遣^法，會敷赴假還江陵^地，太祖^宋謂沙門曰：「張敷^宋應西，當令相載。」及敷辭，上謂曰：「撫軍^職須一意懷道^地人，卿可以後編載之，道中可得言晤。」敷不奉旨，曰：「臣性不耐雜。」上甚不說。
- 10 遷正員郎。中書舍人^文秋當、周赳並管要務，以敷同省名家，欲詣之。赳曰：「彼若不相容，便不如不往。詎可輕往邪？」當曰：「吾等並已員外郎^職矣，何憂不得共坐。」敷先設二床，去壁三四尺，二客就席，酬接甚歡，既而呼左右曰：「移我遠客。」赳等失色而去。其自標遇如此。善持音儀，盡詳緩之致，與人別，執手曰：「念相聞。」餘響久之不絕。張氏^宋後進至今慕之，其源流起自敷也。
- 11 遷黃門侍郎^文，始興王^宋濬後軍長史^文，司徒左長史^文。未拜，父在吳興亡，報以疾篤，敷往奔省，自發都至吳興成服^葬，凡十餘日，始進水漿。葬畢不進鹽菜，遂毀瘠成疾。世父^宋茂度^宋每止譬之，輒更感慟，絕而復續。茂度^宋曰：「我冀譬汝有益，但更甚耳。」自是不復往。未期而卒，時年四十一。琅邪^{顏延之}書弔茂度^宋曰：「賢弟子^宋少履貞規，長懷理要，清風素氣，得之天然。言面以來，便申忘年之好，比雖艱隔成阻，而情問無睽。薄莫之人，冀其方見慰說，豈謂中年，奄為長往，聞問悼心，有兼恒痛。足下門教敦至，兼實家寶，一旦喪失，何可為懷。」其見重如此。
- 12 世祖^北即位，詔曰：「司徒^文故左長史^文張敷^宋，貞心簡立，幼樹風規。居哀毀滅，孝道淳至，宜在追甄，於以報美。可追贈^仕侍中^文。」於是改其所居稱為孝張里。無子。
- 13 王微^宋字景玄^宋，琅邪臨沂人，太保^文弘弟子^宋也。父孺，光祿大夫^職。
- 14 微少好學，無不通覽，善屬文，能書畫，兼解音律、醫方、陰陽術數。年十六，州舉秀才^仕，衡陽王^宋義季^宋右軍^職參軍，並不就。起家司徒祭酒^文，轉主簿^文，始興王^宋濬後軍功曹^職記室參軍^職，太子中舍人^文，始興王^宋友。父憂去官。服闋^葬，除南平王^宋鑠右軍^職諮議參軍^職。微素無宦情，稱疾不就。仍除中書侍郎^文，又擬南琅邪、義興太守^文，並固辭。吏部尚書^文江湛^宋舉微為吏部郎^文，微與湛書曰：

弟心病亂度，非但蹇蹇而已，此處朝野所共知。騶騎忽扣華門，閭里咸以為祥怪，君多識前世之載籍，天植何其易傾。弟受海內駭笑，不過如燕石^地禿驚邪，未知君何以自解於良史邪。今雖王道鴻鬯，或有激朗於天表，必欲潛淵探寶，傾海求珠，自可卜肆巫祠之間，馬棧牛口^地之下，賞劇孟於博徒，拔卜式於芻牧。亦有西戎^地孤臣，東都^地賤士，上窮範馳之御，下盡詭遇之能，兼鱗雜襲者，必不乏於世矣。且廬於承明，署乎金馬，皆明察之官，又賢於管庫^地之末。何為劫勒通家疾病人，塵穢難堪之選，將以靖國，不亦益囂乎。書云「任官維賢才」。而君擢士先疹廢，芄芄械櫟，似不如此。且弟曠違兄姊，迄將十載，姊時歸來，終不任輿曳入閣，兄守金城^地，永不堪扶抱就路，若不憊疾，非性僻而何。比君曰表裏，無假長目飛耳也。

16 常謂生遭太公，將即華士之戮，幸遇管叔，必蒙僻儒之養。光武以馮衍才浮其實，故棄而不齒。諸葛孔明^地云：「來敏亂郡，過於孔文學。」況無古人之才概，敢干周、漢之常刑。彼二三英賢，足為曉治與否？恐君逢此時，或亦不免高閣，乃復假名不知己者，豈欲自比衛賜邪？君欲高效山公，而以仲容^地見處，徒以搥提禮學，本不參選，鄙夫瞻彼，固不任下走，未知新沓何如州陵^地耳。而作不師古，坐亂官政，誣飾蚯蚓^地，冀招神龍，如復託以真素者，又不宜居華留名，有害風俗。君亦不至期人如此，若交以為人賜，舉未以己勞，則商販之事，又連所不忍聞也。豈謂不肖易擢，貪者可誘，凡此數者，君必居一焉。雖假天口於齊駢，藉鬼說於周季，公孫碎毛髮之文，莊生縱漭瀆之極，終不能舉其契，為之辭矣。子將明魂，必靈哈於蒿里，汝、穎餘彥，將拂衣而不朝。浮華一開，風俗或從此而爽。鬼谷以揣情為最難，何君付度之輕謬。

17 今有此書，非敢叨擬中散，誠不能顧影負心，純盜虛聲，所以綿絡累紙，本不營尚書^地虎爪板也。成童便往來居舍，晨省復經周旋，加有諸甥，亦何得頓絕慶吊。然生平之意，自於此都盡。君平公云：「生我名者殺我身。」天爵且猶減名，安用吏部郎^地哉！其舉可陋，其事不經，非獨搢紳者不道，僕妾皆將笑之。忽忽不樂，自知壽不得長，且使千載知弟不詐諛耳。

18 微既為始興王^地濬府吏，濬數相存慰，微奉答牋書，輒飾以辭采。微為文古甚，頗抑揚，袁淑^地見之，謂為訴屈，微因此又與從弟^地僧綽^地書曰：

19 吾雖無人鑒，要是早知弟，每共宴語，前言何嘗不以止足為貴。且持盈畏滿，自是家門舊風，何為一旦落漠至此，當局苦迷，將不然邪！詎容都不先聞，或可不知耳。衣冠冑胤，如吾者甚多，才能固不足道，唯不傾側溢詐，士頗以此容之。至於規矩細行，難可詳料。疹疾日滋，縱恣益甚，人道所貴，廢不復修。幸值聖明兼容，置之教外，且舊恩所及，每蒙寬假。吾亦自揆疾疹重侵，難復支振，民生安樂之事，心死久矣。所以視日偷存，盡於大布糲粟，半夕安寢，便以自度，血氣盈虛，不復稍道，長以大散為和羹，弟為不見之邪？疾廢居然，且事一己，上不足敗俗傷化，下不至毀辱家門，泊爾尸居，無力待化。凡此二三，皆是事實。吾與弟書，不得家中相欺也。州陵^地此舉，為無所因，反覆思之，了不能解。豈見吾近者諸牋邪，良可怪笑。

20 吾少學作文，又晚節如小進，使君公欲民不偷，每加存飾，酬對尊貴，不厭敬恭。且文詞不怨思抑揚，則流澹無味。文好古，貴能連類可悲，一往視之，如似多意。當見居非求志，清論所排，便是通辭訴屈邪。爾者真可謂真素寡矣。其數旦見客小防，自來盈門，亦不煩獨舉吉也。此輩乃云語勢所至，非其要也。弟無懷居今地，萬物初不以相非，然魯器齊虛，實宜書紳。今三署六府^地之人，誰表裏此內，儻疑弟豫有力，於素論何如哉。則吾長阨不死，終誤盛壯也。

江不過強吹拂吾，云是巖穴人。巖穴人情所高，吾得當此，則雞鶩變作鳳皇^㉒，何為干飾廉隅，秩秩見於面目，所惜者大耳。諸舍闔門皆蒙時私，此既未易陳道，故常因含聲不言。至兄弟尤為叨竊，臨海頻煩二郡，謙亦越進清階，吾高枕家巷，遂至中書郎^㉓，此足以闔棺矣。又前年優旨，自弟所宣，雖夏后撫辜人，周宣及鰥寡，不足過也。語皆循檢校^㉔跡，不為虛飾也。作人不阿諛，無緣頭髮見白，稍學諂詐。且吾何以為，足不能行，自不得出戶，頭不耐風，故不可扶曳。家本貧餒，至於惡衣蔬食，設使盜跖居此，亦不能兩展其足，妄意珍藏也。正令選官設作此舉，於吾亦無劍戟之傷，所以懃懃畏人之多言也。管子晉賢，乃關人主之輕重，此何容易哉。州陵^㉕亦自言視明聽聰，而返區區飾吾，何辯致而下英俊。夫奇士必龍居深藏，與蛙蝦為伍，放勳其猶難之，林宗輩不足識也。似不肯睽睽奉牋記，彫琢獻文章，居家近市廛，親戚滿城府^㉖，吾猶自知袁陽源輩當平此不？飾詐之與直獨，兩不關吾心，又何所耿介。弟自宜以解塞群賢矣，兼悉怒此言自爾家任兄故能也。

22 日日望弟來，屬病終不起，何意向與江書，粗布胸心，無人可寫，比面乃具與弟。書便覺成，本以當半日相見，吾既惡勞，不得多語，樞機幸非所長，相見亦不勝讀此書也。親屬欲見自可示，無急付手。

23 時論者或云微之見舉，廬江^㉗何偃^㉘亦豫其議，慮為微所咎，與書自陳。微報之曰：

24 卿昔稱吾於義興，吾常謂之見知，然復自怪鄙野，不參風流，未有一介熟悉於事，何用獨識之也。近日何見綽送卿書，雖知如戲，知卿固不能相哀。苟相哀之未知，何相期之可論。

25 卿少陶玄風，淹雅修暢，自是正始中人。吾真庸性人耳，自然志操不倍王、樂。小兒時尤粗笨無好，常從博士^㉙讀小小章句，竟無可得，口吃不能劇讀，遂絕意於尋求。至二十左右，方復就觀小說，往來者見床頭有數帙書，便言學問，試就檢，當何有哉。乃復持此擬議人邪。尚獨愧笑揚子之褒貶，猶恥辭賦為君子，若吾篆刻^㉚，菲亦甚矣。卿諸人亦當尤以此見議。或謂言深博，作一段意氣，鄙薄人世，初不敢然。是以每見世人文賦書論，無所是非，不解處即日借問，此其本心也。

26 至於生平好服上藥，起年十二時病虛耳。所撰服食方中，粗言之矣。自此始信攝養有徵，故門冬昌朮，隨時參進。寒溫相補，欲以扶護危羸，見冀白首。家貧乏役，至於春秋令節，輒自將兩三門生，入草采之。吾實倦遊醫部，頗曉和藥，尤信本草，欲其必行，是以躬親，意在取精。世人便言希仙好異，矯慕不羈，不同家頗有罵之者。又性知畫績，蓋亦鳴鶴識夜之機，盤紆糾紛，或記心目，故兼山水之愛，一往跡求，皆仿像也。不好詣人，能忘榮以避權右，宜自密應對舉止，因卷慚自保，不能勉其所短耳。由來有此數條，二三諸賢，因復架累，致之高塵，詠之清壑。瓦礫有資，不敢輕廁金銀也。

27 而頃年嬰疾，沉淪無已，區區之情，惴於生存，自恐難復，而先命猥加，魂氣褻繭，常人不得作常自處疾苦，正亦臥思已熟，謂有記自論。既仰天光^㉛，不夭庶類，兼望諸賢，共相哀體，而卿首唱誕言，布之翰墨，萬石之慎，或未然邪。好盡之累，豈其如此。綽大駭歎，便是闔朝見病者。吾本僇人，加疹意惛，一旦聞此，便惶怖矣。五六日來，復苦心痛^㉜，引喉狀如胸中悉腫，甚自憂。力作此答，無復條貫^㉝，貴布所懷，落漠不舉。卿既不可解，立欲便別，且當笑。

28 微常住門屋一間，尋書玩古，如此者十餘年。太祖^㉞以其善筮，賜以名著。弟僧謙，亦有才譽，為太子舍人^㉟，遇疾，微躬自處治，而僧謙服藥失度，遂卒。微深自咎恨，發病不復自治，哀痛僧謙不能已，以書告靈曰：

29 弟年十五，始居宿於外，不為察慧之譽，獨沉浮好書，聆琴聞操，輒有過目之能。討測文典，斟酌傳記，寒暑未交，便卓然可述。吾長病，或有小問，輒稱引前載，不異舊學。自爾日就月將，著名邦黨，方隆夙志，嗣美前賢，何圖一旦冥然長往，酷痛煩冤，心如焚裂。

尋念平生，裁十年中耳，然非公事，無不相對，一字之書，必共詠讀，一句之文，無不研賞，濁酒忘愁，圖籍相慰，吾所以窮而不憂，實賴此耳。奈何罪酷，煢然獨坐。憶往年散發，極目流涕，吾不舍日夜，又恒慮吾羸病，豈圖奄忽，先歸冥冥。反覆萬慮，無復一期，音顏髣髴，觸事歷然，弟今何在，令吾悲窮。昔仕京師，分張六旬耳，其中三過，誤云今日何意不來，鍾念懸心，無物能譬。方欲共營林澤，以送餘年，念茲有何罪戾，見此天酷，沒於吾手，觸事痛恨。吾素好醫術，不使弟子得全，又尋思不精，致有枉過，念此一條，特復痛酷。痛酷奈何！吾罪奈何！

- 31 弟為志，奉親孝，事兄順，雖僮僕無所叱咄，可謂君子不失色於人，不失口於人。沖和淹通，內有皁白，舉動尺寸，吾每咨之。常云：「兄文骨氣，可推英麗以自許。又兄為人矯介欲過，宜每中和。」道此猶在耳，萬世不復一見，奈何！唯十紙手跡，封拆儼然，至於思戀不可懷。及聞吾病，肝心寸絕，謂當以幅巾薄葬之事累汝，奈何反相殯送！
- 32 弟由來意，謂「婦人雖無子，不宜踐二庭。此風若行，便可家有孝婦」。仲長昌言，亦其大要。劉新婦以刑傷自誓，必留供養，殷太妃感柏舟之節，不奪其志。僕射篤順，范夫人知禮，求得左率第五兒，廬位有主。此亦何益冥然之痛，為是存者意耳。
- 33 吾窮疾之人，平生意志，弟實知之，端坐向窗，有何慰適，正賴弟耳。過中未來，已自悵望，今云何得立，自省惛毒，無復人理。比煩冤困憊，不能作刻石文，若靈響有識，不得吾文，豈不為恨。儻意慮不遂謝能思之如狂，不知所告訴，明書此數紙，無復詞理，略道阡陌，萬不寫一。阿謙！何圖至此！誰復視我，誰復憂我。他日寶惜三光，割嗜好以祈年，今也唯速化耳。吾豈復支，冥冥中竟復云何。弟懷隨、和之寶，未及光諸文章，欲收作一集，不知忽忽當辦此不？今已成服，吾臨靈，取常共飲杯，酌自釀酒，寧有仿像不？冤痛！冤痛！
- 34 元嘉三十年^[426]，卒，時年三十九。僧謙卒後四旬而微終。遺令薄葬，不設輜旛鼓挽之屬，施五尺床，為靈二宿便毀。以嘗所彈琴置床上，何長史來，以琴與之。何長史者，偃也。無子。家人遵之。所著文集，傳於世。世祖即位，詔曰：「微棲志貞深，文行惇洽，生自華宗，身安隱素，足以賁茲丘園，惇是薄俗。不幸蚤世，朕甚悼之。可追贈祕書監。」
- 35 史臣曰：燕太子吐一言，田先生吞舌而死；安邑令戒屠者，閔仲叔去而之沛。良由內懷耿介，峻節不可輕干。袁淑笑謔之間，而王微弔詞連牘，斯蓋好名之士，欲以身為珪璋，皦皦然使塵玷之累，不能加也。

[←061 卷六十一 列傳第二十一](#)[目錄](#)[063 卷六十三 列傳第二十三→](#)

籍海淘浪是什么

「籍海淘浪」是一个将古籍中的专有名词标注出来，使文本更易读，并希望依靠大家的慧眼，将主题鲜明的片段摘录出来，让更多人发现古籍之「有料、有趣、有用」的平台。

一个已标注专词的古籍文本库：籍海淘浪定期发布精校、已标注专词的古籍，并提供划词字典、划词维基等工具。利用专词、词典、维基，读者无需注释、译文，即可比较流畅地阅读，不再有「瞻前顾后」、被干扰阅读的烦恼。

一个面向话题的笔记创作、分享社区：籍海淘浪提供了易用的工具，方便读者创作摘录笔记：拖选文本 + 点击「划线」按钮即可快速收藏文本片段；有所感时，只需拖选相应文本，填写标题、标签、评注，即可发布一篇主题摘录，并可在摘录页面与同好互动讨论。您还可导出自己的收藏和创作，留作方便温习、分享的笔记本。

以下功能仅线上版本可用

[发现『有趣、有料、有用』的古籍](#)

- 划词查字典、查维基；
- 点击专词，获取纪年、帝王、政权详情的历史信息面板；

- 全部关键词统计，关键词跳转、导航浏览；
- 片段收藏、做摘录笔记、主题讨论；
- 文档、段落热力标识，源出、衍生、事论等关系的文档网络；
- 个人阅读管家；
- 文本修订工具；
- 标注修订工具，可纠正标注的错、漏，并提交新标注；
- 全文繁简转换；
- 提交文档需求、功能需求、意见建议等；
- 更多待你发掘.....



文档标注日常修订、更新中，您看到的版本可能已经陈旧，请访问页眉链接查看最新版本，欢迎在线上为更好的标注增砖添瓦！